

# BESTELAKO XEDAPENAK

EUSKAL HERRIKO UNIBERTSITATEA

## 3793

*ERABAKIA, 2025eko ekainaren 25ekoa, Universidad del País Vasco / Euskal Herriko Unibertsitateko Gizarte Kontseiluaren osoko bilkurarena, Irakasle eta Ikertzaileen gehigarritzko ordainsari osagarrien urtebeteko deialdia, osagarriak esleitzeko ebaluazioa eskatzeko.*

María Pilar Elorrieta Santosek, Euskal Herriko Unibertsitatearen Gizarte Kontseiluko idazkari nagusiak, honako hau

### ZIURTATZEN DU:

Bi mila eta hogeita bosteko ekainaren 25ean bilduta, Gizarte Kontseiluaren berrehun eta berrogeita laugarren osoko bilkurak beherago aipatzen den erabakia hartu zuen aztergai zerrendako bederatzigarren puntuaz, zeinak honela baitzioen: Irakasle eta Ikertzaileen gehigarritzko ordainsari osagarrien urtebeteko deialdia, osagarriak esleitzeko ebaluazioa eskatzeko.

Lehenengoa.– Erabaki honi erantsitako UPV/EHUko Irakasle-ikertzaileen Ordainsari Osagarri Gehigarrien urteko deialdia onartzea.

Bigarrena.– Erabaki hau eta erantsitako deialdia Euskal Herriko Aldizkari Ofizialean argitaratzea.

Errekurtsoak.– Administrazio Publikoen Administrazio Prozedura Erkidearen urriaren 1eko 39/2015 Legean ezarritakoa betez, jakinarazten da egintza honek administrazio bidea agortzen duela, Unibertsitate Sistemaren martxoaren 22ko 2/2023 Lege Organikoaren 38-4 artikulua jaso bezala. Errekurtsoa jar daiteke bi hilabeteko epean egintzaren auka, Administrazioarekiko Auzien Jurisdikzioan argitaratzen denetik kontaktzen hasita.

Bilbao, 2025eko ekainaren 25a.

Kontseiluburua,  
JOSÉ AGUSTÍN EIZAGUIRRE AGOTE.

Idazkari nagusia,  
M. PILAR ELORRIETA SANTOS.

## ERANSKINA

## 1. DOKUMENTUA

2024KO GEHIGARRIZKO ORDAINSARI OSAGARRIEN DEIALDIA, OSAGARRIAK  
ESLEITZEKO EBALUAZIOA ESKATZEKO DENA

Lehenengoa.– Deialdiaren helburua.

1.– Deialdi honen helburua da irakasle eta ikertzaileei gehigarrizko ordainsari osagarriak esleitzea, haien merezimenduak ebaluatu eta gero. Ebaluazioa egingo da deialdia argitaratzen den unean indarrean dagoen Unibasq-Euskal Unibertsitate Sistemaren Kalitatea Egiaztatze Agenziaren ebaluazio protokoloari jarraikiz.

2.– Gehigarrizko ordainsari osagarriak metatu daitezkeen hiru mailatan sailkatuko dira eta tarte progresibo desberdinak izango dituzte. Hain zuzen:

- C maila, Euskal Herriko Unibertsitatean egindako jardun profesionala saritzen duena.
- B maila, kalitatea eta etengabeko hobekuntza saritzeko.
- A maila, bikaintasuna saritzen duena.

3.– Hauek arautuko dute deialdi hau: deialdiaren beraren testuak eta Euskal Herriko Unibertsitateko irakasle eta ikertzaileen gehigarrizko ordainsari osagarriei buruzko urriaren 17ko 209/2006 Dekretuak (64/2011 Dekretuak egindako aldaketekin). Horietan jasota ez dagoenerako, eutsiko zaio Herri Administrazioen Administrazio Prozedura Erkidearen urriaren 1eko 39/2015 Legeari.

Bigarrena.– Aplikazio esparrua.

1.– Hauek eska dezakete merezimenduak ebaluatzea:

a) UPV/EHUko irakasle eta ikertzaileek, hala funtzionarioek nola administrazio kontratadunek edo lan kontratadunek, baldin eta zerrenda honetako 2. puntuko artekoak ez badira.

2.– Honako hauek ezin dute ebaluazioa eskatu:

a) Aurreko deialdietan ebaluatuak izan direnek, ebaluatutako aurreko alditik bost urte igaro ez badira 2024ko abenduaren 31ra arte, salbu eta C2 eta B1 mailetarako ebaluazioa eskatu nahi badute.

b) Agentziarekin kolaboratzen duten irakasle eta ikertzaileek, kanpoan uzten baititu urriaren 17ko 209/2006 Dekretuko hirugarren xedapen gehigarriak, martxoaren 24ko 64/2011 Dekretuak egindako aldaketen arabera.

c) Martxoaren 4ko 41/2008 Dekretuak, Universidad del País Vasco / Euskal Herriko Unibertsitateko irakasle eta ikertzaileen ordainsariei buruzkoak, kanpo uzten dituenak.

Hirugarrena.– Eskariak.

1.– Edozelan ere, eskariak bide telematikoz egingo dira, horretarako jarritako aplikazio informatikoaren bidez, 64/2011 Dekretuaren bitartez aldatutako urriaren 17ko 209/2006 Dekretuko 7.2 artikuluari jarraikiz.

Aplikazio informatikoaren bidez eskatzaileak eskariaren laburpen bat jasoko du; interesatuak dokumentu hori elektronikoki sinatu eta UPV/EHUko erregistro elektronikoz bidali beharko du prozeduren katalogoan (ordainsari-osagarri gehigarrien eskaera) <https://egoitza.ehu.eus/eu/catalogo-de-servicios>, deialdi honetan zehaztutako epearen barruan. Dokumentu hori bidali ezean eskaria ez da ondo egindakotzat joko.

2.– Eskariak aurkezteko epea hilabetekoa izango da, deialdia argitaratu eta hurrengo egunetik zenbatzen hasita.

3.– Euskal Autonomia Erkidegoko Administrazioaren Tasa eta Prezio Publikoei buruzko Legearen Testu Bategina onartzen duen martxoaren 20ko 1/2025 Legegintzako Dekretuak ezarritakoaren arabera, 87. artikulutik 90. artikulura eta, zehazki, 90.2 artikuluan ezarritakoari jarraituz, ebaluazio-eskubideei dagokien 49,70 euroko tasa ezarri da Unibasq-en alde. Ordaindu izanaren agiria aurkeztu beharko da, aplikazio informatikoan zehazten den bezala. Tasa ordaindu ezean, eskaria ez da ondo egindakotzat joko. C mailako osagarriak bakarrik eskatuz gero, ez da tasa hau ordaindu beharko.

Laugarrena.– Espedienteak Unibasq-era bidaltzea.

Eskariak Unibasq-era bidaliko dira, balorazio txostena egin dezan, nahitaezkoa baita eta bidaltzerakoan epe bat ezarriko da Herri Administrazioen Administrazio Prozedura Erkidearen urriaren 1eko 30/2015 Legearen 80.2 eta 80.3 artikuluei jarraikiz. Eskariok agentziara bidaltzen direnean txostena eskatzeko, eten egingo da prozedura ebatzeko epea, Herri Administrazioen Administrazio Prozedura Erkidearen urriaren 1eko 30/2015 Legearen 22.1.d) artikuluari jarraikiz.

Bosgarrena.– Akatsak zuzentzea.

Epearen barruan aurkeztutako eskariak betetzen ez dituztenean deialdian ezarritako baldintzak edo baldintzak egiaztatzeko behar den dokumenturen bat aurkeztu ez denean, interesatuari eskatuko zaio akatsa zuzentzeko (hau da, nahitaezkoak diren dokumentuak edo alegatutakoa egiaztatzeko beharrezkoak diren dokumentuak aurkezteko). Horretarako, hamar egun balioduneko epea izango du, zuzenketa egitea eskatzen zaion egunaren biharamunetik hasita.

Seigarrena.– Merezimenduen ebaluazioa.

Maila eta tarte bakoitzerako merezimenduak behin egiaztatuta, eta deialdia argitaratzen denean indarrean dagoen protokoloan zehaztutako moduan ebaluatuko dira.

Edozein kasutan, merezimenduen egiaztapen dokumentuak baldintzen egiaztapen dokumentuekin batera bidaliko dira aplikazio informatikoak ezartzen duen eran. Eskariak aurkezteko epea behin amaituta, eskatzaileek errekerimendua jasoko dute euren merezimenduen egiaztapen dokumentuak konproba ditzaten eta hala egin ezean merezimendu horiek ebaluatuko ez direla adieraziz.

Zazpigarrena.– Erabakia.

1.– Deialdia bi fasetan ebatziko da: aurrena, C mailako gehigarritzko ordainsari osagarriak esleituko dira eta, gero, B, A mailetakoa eta unibertsitate eskolako irakasle titular ez doktoeen espezifikoak.

2.– Gizarte Kontseiluak, Gobernu Kontseiluaren proposamenez, gehigarritzko ordainsari osagarriak esleituko dizkie irakasle eta ikertzaileei banan bana, banakako erabakiak emanaz, Unibasq-ek bere txostenean (ikus laugarren oinarria) irakasle eta ikertzaile bakoitza kokatu duen maila eta tarteen arabera. Erabaki horri Unibasq-ek egindakoa ebaluazioa erantsiko zaio. Erabaki

horien aurka interesatuek aukerako berraztertze errekurtsua jarri ahal izango dute, jakinarazpena egiten zaienetik hilabeteko epean; bestela, zuzenean haien aurka egin dezakete administrazioa-  
rekiko auzien jurisdikzioan bi hilabeteko epean, jakinarazpena jaso eta hurrengo egunetik hasita.

Zortzigarrena.– Jakinarazpena.

Aurreko oinarrian esandakoa kalterik egin gabe, behin gehigarritzko ordainsari osagarrien esleipena Gizarte Kontseiluak onartuta, posta elektronikoko korporatiboan jakinaraziko da lortutako tarteak eta baita ere Unibasq-Euskal Unibertsitate Sistemaren Kalitate Agentziak egindako txostena eskuragarri izango dute adierazitako estekan.

Bederatzigarrena.– Ondorio ekonomikoak.

Merezimenduen ebaluazioa eta osagarrien esleipena ebaluazioaren hurrengo urtean hasiko dira ondorio ekonomikoak izaten, 64/2011 Dekretuaren bidez aldatutako urriaren 17ko 209/2006 Dekretuko 10. artikuluari jarraikiz.

Hamargarrena.– C mailako gehigarritzko ordainsari osagarrietarako oinarriak.

1.– Helburua.

1.1.– C mailak, Euskal Herriko Unibertsitatean egindako jardun profesionala saritzen duenak, bi tarte ditu:

- C1 tarte. Hau eskuratzeko hiru urteko lotura izatea egiaztatu behar da Euskal Herriko Unibertsitatearekin.

- C2 tarte. Hau eskuratzeko zazpi urteko lotura izatea egiaztatu behar da Euskal Herriko Unibertsitatearekin.

1.2.– Zenbaketa egiteko kontuan hartuko dira 2024ko abenduaren 31ra arte unibertsitatean egindako zerbitzuak. Antzintasuna UPV/EHUK egiaztatuko du bere kabuz.

1.3.– Aipatutako denbora hori zenbatzerakoan, jarduneko zerbitzutzat hartuko dira zerbitzu bereziak eta seme-alabak zaintzeagatiko eszedentziak, familia zaintzeko eszedentziak eta genero indarkeriaren biktimak diren funtzionarioen lehen sei hilabeteko eszedentziak edo, lan kontratudun irakasle eta ikertzaileen kasuan, antzeko egoerak.

2.– Unibertsitatean egindako jardun profesionala aitortzeko lehen aldiz ebaluazioa eskatzen dutenek aurkeztu beharreko dokumentazioa.

Jardun profesionala saritzen duten C1 eta C2 mailak lortzeko ebaluaziora lehen aldiz aurkezten direnek dokumentu hauek aurkeztu beharko dituzte:

- Eskaera inprimakia, aplikazio informatikoan l. eranskin gisa eskura daitekeen ereduaren arabera.

- Saileko Kontseiluaren txostena, 2.1 ereduaren arabera egina. Honako hauek jasoko ditu:

- Irakasleak ez duela bere irakaslanari buruzko txosten negatiborik jaso (hau da, ez duela hutsegite formalik egin ez tutoretzetan, ez eskoletan, ez akten epeetan etab.).

- Irakaslanari buruzko inkestak sistematikoki bete dituela eta balorazio negatibo errepikaturik ez duela eduki.

3.– Gehigarritzako ordainsari osagarriak eskuratzeko ebaluazioetara aurretik aurkeztu direnek aurkeztu beharreko dokumentuak:

Agiri hauek aurkeztu beharko dituzte jardun profesionala (C1 eta C2) aitortzeko ebaluazioa bigarren aldiz egiten duten pertsonak:

- Eskaera inprimakia, aplikazio informatikoan I. eranskin gisa eskura daitekeen ereduaren arabera.

- Saileko Kontseiluaren txosten positiboa, arrazoitua eta argumentatua, 2.2 ereduaren arabera egina. Honako hauek izango ditu oinarri:

- Bere irakaslanari buruzko txosten negatiborik ez eduki izana.

- Irakaslanari buruzko inkestak sistematikoki bete izana, ahal izan den guztietan, eta balorazio negatibo errepikaturik ez eduki izana.

- Tutoretzak bete izana egiaztatzen duten Ikuskaritzaren txostenak.

- Irakaslearen autotxostena.

- Irakasleak ikerketan eta jakintzaren transferentzian egindako lanak.

4.– Nor dagoen txostena aurkeztetik salbuetsita.

Kasu hauetan ez da beharrezkoa izango aurreko bi ataletan aipatutako txostena aurkeztea:

- Irakasleak ohiko irakaskuntzatik salbuetsita daudenean edo aldi batez egon direnean, guztiz edo zati batean, kargu akademikoak betetzeagatik edo liberatuta egoteagatik (liberazio sindikala, euskara ikastekoa, sabatikoa, irakaskuntzaren eta ikerketaren arloan eguneratzekoa, eta abar). Kasu hauetan beharrezkoa izango da irakaskuntzatik kanpo egotearen arrazoia egiaztatzea.

- Langileak zerbitzu bereziak ematen, seme-alabak zaintzeko eszedentzian edo, irakasle eta ikertzaile kontratatuen kasuan, antzeko egoeretan egon direnean; kasu horietan beharrezkoa izango da interesatuak ohiko irakaskuntzatik kanpo egoteko arrazoia egiaztatzea.

5.– Ikertzaileek ebaluaziorako aurkeztu beharreko dokumentazioa.

- Eskaera inprimakia, aplikazio informatikoan I. eranskin gisa eskura daitekeen ereduaren arabera.

- Irakaslea atxikita dagoen Saileko Kontseiluaren txostena, 2.3 ereduaren arabera egina, non ziurtatzen den irakasleak bere betebeharrak bete dituela.

Hamaikagarrena.– B eta A mailetakoko gehigarritzako ordainsari osagarriak eskatzeko oinarriak.

1.– Helburua.

1.1.– B mailak, hau da, kalitatea eta etengabeko hobekuntza saritzen dituenak, hiru tarte ditu:

- B1 maila. Tarte hau lortzeko baldintza hauek bete beharko dira: gutxienez bost urteko antzinatea izatea Euskal Herriko Unibertsitatean, eta gainera C1 tarte eta 25 puntu izatea.

- B2 maila. Maila hori lortzeko baldintza hauek bete beharko dira gutxienez: hamar urteko antzinatea izatea, doktorea izatea, eta C1 eta C2 tarteak eta 50 puntu izatea.

- B3 maila. Maila hori lortzeko baldintza hauek bete beharko dira: hamar urteko antzintasuna izatea, doktorea izatea, eta C1 eta C2 tarteak eta 75 puntu izatea.

1.2.– A mailak, hau da, bikaintasuna saritzen duenak, bi tarte ditu:

- A1 maila. Maila hori lortzeko baldintza hauek bete beharko dira: hamabost urteko antzintasuna izatea, doktorea izatea, eta C1 eta C2 tarteak eta gutxienez 90 puntu izatea.

- A2 maila. Maila hori lortzeko baldintza hauek bete beharko dira: hamabost urteko antzintasuna izatea, doktorea izatea, eta C1 eta C2 tarteak eta gutxienez 90 puntu izatea.

1.3.– Zenbaketa egiteko, kontuan hartuko dira 2024ko abenduaren 31ra arte egindako zerbitzuak. Antzintasuna UPV/EHUK egiaztatuko du bere kabuz.

1.4.– Aipatutako denbora hori zenbatzerakoan, jarduneko zerbitzutzat hartuko dira zerbitzu bereziak eta seme-alabak zaintzeko eszedentziak, familia zaintzeko eszedentziak eta genero indarkeriaren biktimak diren funtzionarioen lehen sei hilabeteko eszedentziak edo, irakasle eta ikertzaile kontratatuen kasuan, antzeko egoerak.

1.5.– Lehen aldiz ebaluaziora aurkezten direnek beren bizitza akademiko osoko merezimenduak alegatu ahal izango dituzte, 2024ko abenduaren 31ra arte. Aurretik ebaluaziora aurkeztu direnek aurkeztu ahal izango dituzte ebaluazio horretatik 2024ko abenduaren 31ra arte.

1.6.– Eskariarekin batera merezimenduen egiaztagiria aurkeztu beharko dira, 1.1 oinarrian aipatutako protokoloan esaten den legez.

2.– Ebaluazio berri bat eskatu nahi dutenek edo lehen aldiz ebaluaziora aurkezten direnek aurkeztu beharreko dokumentazioa.

- Eskatera inprimakia, aplikazio informatikoan II. eranskin gisa eskura daitekeen ereduaren arabera.

- B2, B3, A1 eta A2 tarteetarako besterik ez: beste unibertsitate edo ikergune batzuetan – edozelako lotura laboral, estatutario edo administratiborekin– egindako irakaskuntza, ikerketa eta jakintzaren transferentziako zerbitzuak edo kudeaketa zerbitzuak egiaztatzea. Bakarrik aztertuko da eta, bere kasuan, onartuko da ebaluazioa B2 trametik aurrera eskatzen bada eta UPV/EHUK ez badu 15 urtetik gorako antzintasuna aitortu.

Hamabigarrena.– Unibertsitate eskolako irakasle titularrentzako gehigarritzako ordainsari osagarria.

1.– Helburua.

1.1.– Unibertsitate eskoletako irakasle titularrek, doktore izan ez eta 10 urteko antzintasuna badute, gehigarritzako ordainsari osagarria lortzeko eskubidea izango dute ebaluazioan, gutxienez, 50 puntu lortzen badute; edo beste gehigarritzako ordainsari osagarria lortzeko eskubidea izango dute ebaluazioan, gutxienez, 75 puntu lortzen badute.

1.2.– Zenbaketa egiteko kontuan hartuko dira 2024ko abenduaren 31ra arte egindako zerbitzuak. Antzintasuna UPV/EHUK egiaztatuko du bere kabuz.

1.3.– Aipatutako denbora hori zenbatzerakoan, jarduneko zerbitzutzat hartuko dira zerbitzu bereziak eta seme-alabak zainzteagatik eszedentziak familia zaintzeko eszedentziak eta genero indarkeriaren biktimak diren funtzionarioen lehen sei hilabeteko eszedentziak edo, lan kontratudun irakasle eta ikertzaileen kasuan, antzeko egoerak.

1.4.– Lehen aldiz ebaluaziora aurkezten direnek beren bitzitza akademiko osoko merezimenduak alegatu ahal izango dituzte, 2023ko abenduaren 31ra arte. Aurretik ebaluaziora aurkeztu direnek aurkeztu ahal izango dituzte ebaluazio horretatik 2023ko abenduaren 31ra arte.

1.5.– Eskariarekin batera merezimenduen egiaztagiriak aurkeztu beharko dira, 1.1 oinarrian aipatutako protokoloan esaten den legez.

2.– Ebaluaziorako behar den dokumentazioa.

- Eskaera inprimakia, aplikazio informatikoan III. eranskin gisa eskura daitekeen ereduaren arabera.

- Beste unibertsitate edo ikergune batzuetan –edo zelako lotura laboral, estatutario edo administratiborekin– egindako irakaskuntza, ikerketa eta jakintzaren transferentziako zerbitzuak edo kudeaketa zerbitzuak egiaztatzea. Bakarrik aztertuko da eta, bere kasuan, onartuko da unibertsitate eskolako irakasle titularrentzako gehigarriko ordainsari osagarria lortzeko ebaluazioa eskatzen bada eta UPV/EHUK ez badu 15 urtetik gorako antzintasuna aitortu.

Hamahirugarrena.– 2015ekoaren aurreko deialdietan lortutako tarteen egonkortasuna.

2015. urteko deialdia baino lehenagokoetan gehigarriko ordainsari osagarriak lortu zutenek, eta 2015., 2016., 2017., 2018., 2019., 2020., 2021., 2022. edo 2023. urteko deialdietara ezin izan baziren aurkeztu, aurtengo deialdian osagarri horien finkotasuna eska dezakete. Horretarako, behar bezala beteta aurkeztuko da aplikazio informatikoan eskuragarri dagoen IV. eranskina.

Hamalagarrena.– Irakasleek edukitako beka ofizialak, zeinetan Euskal Herriko Unibertsitatea izan duten atxikipen zentro.

Deialdi honetako tarte eta mailak ebaluatzeko eskatutako urteak zenbatzeko, kontuan hartuko da baita beka ofizialekin emandako denbora ere, betiere, unibertsitate honetako zentroren batean atxikita egon bada onuraduna (beka ofizialtzat hartuko dira UPV/EHUK, Eusko Jaurlaritzak edo Hezkuntza eta Zientzia. Ministerioak deitutakoak). Behin graduaturik, prestakuntza eta espezializazio zientifiko eta teknikoko jarduerak egiteko ematen diren bekak dira hemen aintzat. Hartzen direnak, prestakuntzako dagoen ikertzaile izaera ematen dutenak, hain zuzen ere.

Hamabosgarrena.– Eskuordetza.

Irakasle-ikertzaileen arloko errektoreordearen esku uzten da deialdia aurrera ateratzeko beharrezkoak diren izapide guztiak, Gizarte Kontseiluari aurkeztu behar zaion gehigarriko ordainsari osagarrien esleipen proposamena izan ezik.

Irakasle-ikertzaileen arloko errektoreordearen esku uzten da baita ere eredu normalizatuen onarpena, eskaerena zein deialdiaren gestio egokirako beharrezkoak diren gainerako guztiena, kontuan izanda deialdia modu automatizatuan izapidetuko dela.

## ERANSKINAK

Deialdiaren hamargarren, hamaikagarren, hamabigarren eta hamahirugarren oinarrietan aipatzen diren I., II., III. eta IV. eranskinak, eskaria nahitaez egin behar den aplikazio informatikoan daude.